





Skrifstofa FJN er að
Borgartúni 6, 3. hæð
105 Reykjavík

Opið alla virka daga frá kl. 09:00-
12:00 og 13:00-16:00

Sími: 595-5175
Fax: 595-5179
Netfang: fin@bhm.is
Veffang: www.fin.is
www.facebook.com

Starfsmenn á skrifstofu:
Maríanna H. Helgadóttir,
formaður

Sigrún Ösp Sigurjónsdóttir,
framkvæmdastjóri

Margrét Rafnsdóttir,
skjala- og móttökufulltrúi

Útgefandi: FJN

Ábyrgðamaður:
Sigrún Ösp Sigurjónsdóttir

Upplag: 1800 stk.

Prentun: Umslag

Fundarboð á aðalfund

Boðað er til aðalfundar félagsins þann 30. mars 2017, kl: 15:00, að Borgartúni 6, 4. hæð.

Boðið er upp á kaffi við komuna á aðalfundinn, aðalfundurinn verður settur kl. 15:15

Dagskrá:

1. **Formaður flytur skýrslu stjórnar um félagsstarfið á liðnu starfsári.**
2. **Lagðir fram endurskoðaðir ársreikningar FJN og sjóða með áritun endurskoðanda.**
3. **Tillögur um lagabreytingar.**
4. **Ákvörðun um félagsgjöld.**
5. **Stjórnarkjör.**
6. **Kosning skoðunarmanna reikninga.**
7. **Kosning í stjórn kjaradeilusjóðs.**
8. **Kosning siðanefndar.**
9. **Önnur mál.**
- Tillaga stjórnar FJN um að hætta orlofshúsarekstri

Boðið er upp á léttar veitingar að aðalfundinum loknum.

Skráning og gögn á aðalfund

Þar sem veitingar eru í boði biðjum við ykkur vinsamlegast um að skrá ykkur til þátttöku á aðalfundinn [hér](#) eða með því að hafa samband við félagið á netfangið fin@bhm.is.

Öll gögn aðalfundar verða aðgengileg á heimasíðu félagsins eigi síðar en viku fyrir aðalfund.

Pistill formanns



Á aðalfundi FÍN urðu formannsskipti í félaginu, en Páll Halldórsson, formaður FÍN lét þá af störfum og ég, Marianna H. Helgadóttir, þáverandi framkvæmdastjóri FÍN tók við af honum. Í þessum pistli ætla ég lauslega að fara yfir starf félagsins á þessu starfsári, en ítarleg skýrsla stjórnar verður aðgengileg á vefsvæði félagsins dagana fyrir aðal-

fund ásamt reikningum félagsins og öðrum fundargögnum.

Fjölgun félagsmanna og samsetning á vinnumarkaði

Fjölgun félagsmanna í félaginu var þó nokkur á starfsárinu eða 183 félagsmenn. Þar af gengu félagsmenn í Stéttarfélagi háskólamenntaðra matvæla og næringarfræðinga sem heill hópur inn í félagið sl. áramót. Ég vil nota tækifærið að bjóða þá velkomna í félagið.

Samsetning félagsins á vinnumarkaði í janúar 2017 hefur einnig breyst töluvert miðað við janúar 2008. Hlutfall félagsmanna er þannig að um 43,8% starfa á almennum markaði, um 41,3% starfa hjá ríkinu, um það bil 3,1% starfa hjá Reykjavíkurborg, en 2% störfuðu hjá öðrum sveitarfélögum um 2% og 8,2% starfa annars staðar. Alls eru 1,6% skráðir atvinnulausir. Hlutfallið árið 2008 var þannig að um 29% störfuðu á almennum markaði, um 50% störfuðu hjá ríkinu, um það bil 4% störfuðu hjá Reykjavíkurborg, en 3% störfuðu hjá öðrum sveitarfélögum um og 12% störfuðu annars staðar. Alls voru 1% skráðir atvinnulausir.

Kynjahlutföllin í félaginu í desember 2016 voru þannig að konur voru 56% félagsmanna og 44% karlar.

Kjarasamningar og kröfugerð félagsins

Félagið setti síðast saman kröfugerð sína fyrir samningalotuna sem stóð yfir árið 2015 og mun á næstu mánuðum setja saman kröfugerð sína vegna komandi viðræðna um nýjan kjarasamning fyrir ríkisstarfsmenn.

Hluti starfsmanna **ríkisins** fóru í verkfall 2015 á vegum 18 aðildarféлага BHM. Í kjölfarið voru sett lög á verkföllin og skipaður var gerðardómur sem gaf út sinn úrskurð í ágúst 2015. Verkföllin stóðu í um 10 vikur og beinn kostnaður félagsins var rúmlega 82 m.kr. Gerðardómurinn rennur út í ágúst 2017. Í gerðardómi kom fram að innleiða ætti mat á menntun inn í stofnanasamninga. Félagið sendi öllum stofnunum bréf í júlí 2016 og óskaði eftir fundi með stofnunum til að innleiða gerðardóminn. Félagið sendi jafnframt bréf á allar stofnanir ríkisins í desember til að ýta undir það að stofnanir myndu greiða út menntunarákvæði gerðadóms, en fáar stofnanir sinntu því. Í kjölfarið gekk félagið frá samkomulagi við ríkið í janúar 2017 afturvirktilt til 1. júní 2016 til að leiðrétta galla í gerðardómi. Gallinn fól það í sér að það var sama mat á menntun, þ.e. fjöldi launaflokka fyrir ákveðna menntun sem krafist var í starfi hvort sem um var að ræða launatöflu FÍN eða annarra aðildarféлага BHM þó svo að launaflokkur FÍN væri eingöngu 3% en 5% hjá öðrum aðildarfélögum BHM. Menntunarákvæði gerðadóms hefur verið innleitt í örfáa stofnanasamninga hjá félaginu, en felst allir stofnanasamningar félagsins eru í vinnslu.

Kjarasamningur við **Samband íslenskra sveitarfélaga** var undirritaður 1. september 2015 og gildir til 31. mars 2019. Samið var um inngöngu í starfsmat 1. júní 2018 og er innleiðing þess nú þegar hafin. Í mars mánuði 2017 fara fram viðtöl við stjórnendur sem eru félagsmenn í FÍN og undirbúningur er að hefjast við val á fulltrúum í viðtöl vegna starfa sem ekki flokkast sem yfirmannsstörf.

Kjarasamningur við **Reykjavíkurborg** var undirritaður þann 1. september 2015 og gildir til 31. mars 2019. Á samningstímanum á að skoða hvort starfsmat sé ákjósanlegur kostur fyrir félagsmenn FÍN sem starfa hjá Reykjavíkurborg.

Á **almennum markaði** er um að ræða sameiginlegan kjarasamning aðildarféлага BHM við Samtök atvinnulífsins (SA) sem er án launaliðar. Viðræður við SA standa yfir, en þess má geta að í desember sl. var gengið frá samkomulagi við SA um hækkað mótframlag atvinnurekanda í lífeyrissjóð.

Pistill formanns

Af vettvangi BHM

Formaður Bandalags háskólamanna (BHM) kom á fund stjórnar félagsins vorið 2016. Þar kynnti formaður BHM það helsta sem var á döfinni hjá BHM, s.s. lífeyrismál opinberra starfsmanna.

Flestum opinberum starfsmönnum er ljóst að 1. júní nk. munu réttindi í Lífeyrissjóði starfsmanna ríkisins (A -deild) og Brú (LSS) breytast. Það er gert í samræmi við samkomulag Bandalags háskólamanna, BSRB og Kennarasambands Íslands, annars vegar, og fjármála- og efnahagsráðherra, f.h. ríkissjóðs, og Sambands íslenskra sveitarfélaga, hins vegar, um breytingar á skipan lífeyrismála opinberra starfsmanna. Breytingin felst í því að gerð verður kerfisbreyting á ávinnslu réttinda úr sjóðnum. Horfið verður frá jafnri ávinnslu og tekin upp aldurstengd ávinnsla. Einnig verður lífeyristökualdur hækkaður úr 65 árum í 67 ár. Bakábyrgðin fellur niður.

BHM undirritaði samkomulag í september 2016 um breytingar á lífeyriskerfi opinberra starfsmanna í kjölfar samþykktar Formannaráðs BHM. Stjórn FÍN taldi að mikil óvissa væri til staðar varðandi réttindi félagsmanna í þessu samkomulagi. Stjórnin taldi að ef þessi leið yrði farin myndi það hafa í för með sér skert kjör framtíðarfélagsmanna. Stjórn FÍN taldi að samkomulagið væri ekki nægjanlega vel unnið. Félagið hafnaði því á Formannaráðsfundi BHM í september sl. að formanni BHM yrði heimilað að undirrita umrætt samkomulag. Formannaráð BHM samþykkti þó með meirihluta atkvæða að heimila formanni BHM að undirrita það. Stjórn FÍN lagði einnig fram tillögu þess efnis á Formannaráðsfundi BHM í desember 2016 að aðildarfélög BHM myndu segja sig frá þessu samkomulagi. Sú tillaga var felld af aðildarfélögum BHM.

Þessa daganna er stjórn LSR og Brúar að vinna að breytingum á samþykktum sjóðanna og heimfæra þær til samræmis við breytingar sem gerðar voru með ofangreindri lagasetningu. Eingöngu er horft til lagasetningarinnar en ekki til samkomulagsins. Gert er ráð fyrir að lífeyrissjóðirnir munu kynna þessar breytingar vel fyrir sjóðfélögum sínum þegar löggin taka gildi og samþykktirnar liggja fyrir.

Stjórn BHM hefur ákveðið að skoða hvort flötur er á mál-sókn við ríkið vegna þeirra laga sem samþykkt voru á Alþingi. Hvort hægt verði að fara í dómsmál vegna þessa máls verður tíminn að leiða í ljós.

Ljóst er að krafa FÍN í næstu kjarasamningum félagsins við ríki og sveitarfélög verður að vinna að aðgerðaráætlun í samræmi við 7.gr. samkomulagsins að jafna launakjör milli markaða.

Þátttaka félagsmanna á aðalfundi

Aðalfundur félagsins fer með æðsta vald í málefnum félagsins og verður hann haldinn þann 30. mars nk. Ég hvet félagsmenn okkar til að mæta til þess fundar. Þar verða hefðbundin aðalfundarstörf, þ.a.m. verða teknar fyrir tillögur um lagabreytingar og stjórnarkjör. Einnig verður fjallað um orlofshús félagsins á þessum fundi og tekin afstaða til þess hvort við ætlum að halda þeim rekstri áfram. Mín skoðun er sú að fjármunum og tíma starfsmanna okkar sé betur varið í kjara- og réttindamál en orlofshúsarekstur, þar sem við höfum aðgang að stórum og góðum sjóð, Orlofssjóði BHM, sem hefur mikið úrval af orlofshúsavalkostum. Ég vil einnig benda félagsmönnum á að þeir geta ætíð komið með hvaða mál sem er til umfjöllunar á aðalfundi undir liðnum önnur mál. Undir þeim lið er hægt að leggja fram ályktanir sem bornar eru upp og eru afgreiddar af félagsmönnum á aðalfundi.

Þakkarorð

Árið er búið að vera mjög annasamt hjá félaginu og margir boltar eru á lofti. Því er mikilvægt að hafa gott fólk í kringum sig. Ég vil nota tækifærið og þakka starfsfólki félagsins, þeim Sigrúnu Ösp Sigurjónsdóttur, framkvæmdastjóra og Margréti Rafnsdóttur, móttöku- og skjalfulltrúa fyrir góð störf í þágu félagsins og einnig öllum okkar félagsmönnum sem komið hafa að trúnaðarstörfum fyrir félagið fyrir samstarfið á starfsárinu. Án þessa hóps værum við ekki það sem við erum.

Með bestu kveðjum,
Maríanna H. Helgadóttir, formaður

Gögn fyrir aðalfund 2017

Tillögur að lagabreytingum

2. gr. Hlutverk

Var:

Félagið er stéttarfélag. Hlutverk þess er:

- a) Að stuðla að samvinnu og samheldni náttúrufræðinga á Íslandi
- b) Að vinna að bættum kjörum félagsmanna og gæta hagsmuna þeirra í launa- og réttindamálum, meðal annars með aðild að Bandalagi háskólamanna - BHM. Félagið gerir kjarasamninga fyrir félagsmenn sína, hvort heldur er á almennum markaði eða hjá hinu opinbera.

Verður:

Félagið er stéttarfélag. Hlutverk þess er:

- a) Að stuðla að samvinnu, samheldni og góðri fagþekkingu félagsmanna
- b) Að vinna að bættum kjörum félagsmanna og gæta hagsmuna þeirra í kjarasamningsbundnum réttindamálum, meðal annars með aðild að Bandalagi háskólamanna - BHM. Félagið gerir kjarasamninga fyrir félagsmenn sína, hvort heldur er á almennum markaði eða hjá hinu opinbera.

3. gr. Aðildarskilyrði

Var:

Félagsmenn geta orðið:

- a) Þeir sem hafa lokið a.m.k. Bachelor-prófi eða sambærilegri menntun í náttúrufræðum, arkitektúr eða öðrum tengdum greinum frá háskóla eða hliðstæðum menntastofnunum,
- b) Aukaaðild geta öðlast námsmenn í náttúrufræðum, arkitektúr eða öðrum tengdum greinum sem hafa lokið a.m.k. eins árs háskólanámi og ráðnir eru til tímabundinna faglegra starfa. Aukaaðild veitir full félagsréttindi önnur en kjörgengi.

Verður:

Félagsmenn geta orðið:

- a) Þeir sem hafa lokið a.m.k. Bachelor-prófi eða sambærilegri menntun í náttúrufræðum, arkitektúr eða öðrum tengdum greinum frá háskóla eða hliðstæðum menntastofnunum,
- b) Aukaaðild geta öðlast námsmenn í náttúrufræðum, arkitektúr eða öðrum tengdum greinum sem hafa lokið a.m.k. eins árs háskólanámi og ráðnir eru til tímabundinna faglegra starfa. Aukaaðild veitir full félagsréttindi önnur en kjörgengi.

Kjörgengi og kosningaréttur eru háð því að félagsmenn hafi fulla aðild og hafi greitt félagsgjöld til félagsins síðustu 6 mánuði.

Gögn fyrir aðalfund 2017

Tillögur að lagabreytingum

4. gr. Umsókn

Var:

Beiðni um aðild að félaginu skal vera skrifleg og send félaginu ásamt afriti af prófskírteini. Framkvæmdastjóri veitir bráðabirgðaaðild að félaginu með fullum félagsréttindum. Vafaatriði eru borin undir framkvæmdastjórn. Stjórn félagsins skipar menntanefnd sem metur erlenda skóla og prófskírteini. Allar umsóknir skulu lagðar fyrir næsta stjórnarfund til endanlegrar afgreiðslu. Stjórn getur veitt undanþágu frá 3. grein svo framarlega sem umsækjandi er með Bachelor-próf.

Verður:

Beiðni um aðild að félaginu skal vera skrifleg/rafræn og send félaginu ásamt afriti af prófskírteini. Framkvæmdastjóri veitir bráðabirgðaaðild að félaginu með fullum félagsréttindum. Vafaatriði eru borin undir framkvæmdastjórn. Allar umsóknir skulu lagðar fyrir næsta stjórnarfund til endanlegrar afgreiðslu. Stjórn getur veitt undanþágu frá 3. grein svo framarlega sem umsækjandi er með Bachelor-próf.

5. gr. Aðalfundur

Var:

Aðalfundur fer með æðsta vald í málefnum félagsins. Aðalfundur skal halda eigi síðar en í mars ár hvert og skal hann boðaður öllum félagsmönnum bréflaga með a.m.k. viku fyrirvara. Dagskrá skal tilgreind í fundarboði. Aðalfundur er lögmætur sé löglega til hans boðað.

Sérstök verkefni aðalfundar eru:

1. Formaður flytur skýrslu stjórnar um félagsstarfið á liðnu starfsári.
2. Lagðir fram endurskoðaðir ársreikningar félagsins og sjóða þess með áritun skoðunar manna reikninga.
3. Tillögur um lagabreytingar.
4. Ákvörðun um félagsgjöld.
5. Stjórnarkjör.
6. Kosning skoðunarmanna reikninga.
7. Kosning í stjórn kjaradeilusjóðs.
8. Kosning siðanefndar.
9. Önnur mál.

Aðra félagsfundi skal halda þegar stjórn félagsins sér ástæðu til og skulu þeir boðaðir með tryggilegum hætti.

Þá er stjórn félagsins skylt að boða til félagsfundar ef a.m.k. 30 fullgildir félagsmenn krefjast þess skriflega og tilgreina fundarefni. Skal boðað til hans með sama hætti og gildir um aðalfundi.

Gögn fyrir aðalfund 2017

Tillögur um lagabreytingar

5. gr. Aðalfundur

Verður:

Aðalfundur fer með æðsta vald í málefnum félagsins. Aðalfundur skal halda eigi síðar en í mars ár hvert og skal hann boðaður öllum félagsmönnum bréflega/tölvupósti með a.m.k. viku fyrirvara. Þeir sem gefa kost á sér til þeirra starfa sem kosið er í á aðalfundi skulu tilkynna stjórn FÍN skriflega um framboð sitt fyrir 1. febrúar. Allar kosningar í embætti á vegum félagsins, sem fram fara á aðalfundi, skulu vera skriflegar og leynilegar, ef ekki er sjálfkjörið.

Dagskrá skal tilgreind í fundarboði. Aðalfundur er lögmætur sé löglega til hans boðað.

Sérstök verkefni aðalfundar eru:

1. Formaður flytur skýrslu stjórnar um félagsstarfið á liðnu starfsári.
2. Lagðir fram endurskoðaðir ársreikningar félagsins og sjóða þess með áritun skoðunar manna reikninga.
3. Tillögur um lagabreytingar.
4. Ákvörðun um félagsgjöld.
5. Stjórnarkjör.
6. Kosning skoðunarmanna reikninga.
7. Kosning í stjórn kjaradeilusjóðs.
8. Kosning síðanefndar.
9. Önnur mál.

Aðra félagsfundi skal halda þegar stjórn félagsins sér ástæðu til og skulu þeir boðaðir með tryggilegum hætti.

Þá er stjórn félagsins skylt að boða til félagsfundar ef a.m.k. 30 fullgildir félagsmenn krefjast þess skriflega og tilgreina fundarefni. Skal boðað til hans með sama hætti og gildir um aðalfundi.

Ákvörðun félagsgjalds

Félagsgjöld til FÍN eru 0,7% af heildarlaunum, þó aldrei hærra en 7000 kr. á mánuði. Stjórn félagsins leggur til óbreytt félagsgjöld.

Gögn fyrir aðalfund 2017

Tillögur um lagabreytingar

6. gr. Stjórn og framkvæmdastjórn

Var:

Stjórn félagsins skal skipuð 20 mönnum. Þeir eru formaður, varaformaður og 17 meðstjórnendur, sem kosnir skulu á aðalfundi til tveggja ára í senn. Þá velja trúnaðarmenn einn fulltrúa úr sínum hópi í stjórn til tveggja ára. Á hverju ári skal kjósa hluta stjórnar þannig, að annað árið er kosinn formaður félagsins og níu meðstjórnendur, en varaformaður og átta meðstjórnendur hitt árið. Á sama hátt skal á aðalfundi kjósa tvo skoðunarmenn reikninga, ásamt varamönnum, þannig að árlega sé kosinn einn aðalmaður og einn varamaður. Heimilt er að endurkjósa stjórnarmenn og skoðunarmenn reikninga. Engan má þó kjósa sem formann félagsins oftari en fimm sinnum. Hætti stjórnarmaður á fyrra ári kjörtímabils eða sé hann kosinn til annarra stjórnarstarfa á aðalfundi áður en kjörtímabil hans rennur út, skal annar kjörinn í hans stað til eins árs. Þeir sem gefa kost á sér til þeirra starfa sem kosið er í á aðalfundi, skulu tilkynna stjórn FÍN skriflega um framboð sitt fyrir 1. febrúar. Allar kosningar í embætti á vegum félagsins, sem fram fara á aðalfundi, skulu vera skriflegar og leynilegar, ef ekki er sjálfkjörið.

Stjórn félagsins kýs ritara, gjaldkera og meðstjórnanda í framkvæmdastjórn úr hópi stjórnarmanna. Framkvæmdastjórn starfar í umboði stjórnar félagsins og sér um útfærslu á samþykktum hennar. Í framkvæmdastjórn sitja formaður félagsins, varaformaður, ritari, gjaldkeri og einn meðstjórnandi. Framkvæmdastjórn félagsins ræður framkvæmdastjóra til að annast daglegan rekstur þess og ákvarðar launakjör framkvæmdastjóra og formanns.

Verður:

Stjórn félagsins skal skipuð 20 mönnum. Þeir eru formaður, varaformaður og 17 meðstjórnendur, sem kosnir skulu á aðalfundi til tveggja ára í senn. Þá velja trúnaðarmenn einn fulltrúa úr sínum hópi í stjórn til tveggja ára. Á hverju ári skal kjósa hluta stjórnar þannig, að annað árið er kosinn formaður félagsins og níu meðstjórnendur, en varaformaður og átta meðstjórnendur hitt árið. Á sama hátt skal á aðalfundi kjósa tvo skoðunarmenn reikninga, ásamt varamönnum, þannig að árlega sé kosinn einn aðalmaður og einn varamaður. Heimilt er að endurkjósa stjórnarmenn og skoðunarmenn reikninga. Engan má þó kjósa sem formann félagsins oftari en fimm sinnum. Hætti stjórnarmaður á fyrra ári kjörtímabils eða sé hann kosinn til annarra stjórnarstarfa á aðalfundi áður en kjörtímabil hans rennur út, skal annar kjörinn í hans stað til eins árs. Séu framboð færri en embætti skal stjórn félagsins tilnefna fulltrúa.

Stjórn félagsins kýs ritara, gjaldkera og meðstjórnanda í framkvæmdastjórn úr hópi stjórnarmanna. Framkvæmdastjórn starfar í umboði stjórnar félagsins og sér um útfærslu á samþykktum hennar. Í framkvæmdastjórn sitja formaður félagsins, varaformaður, ritari, gjaldkeri og einn meðstjórnandi. Framkvæmdastjórn félagsins ræður framkvæmdastjóra til að annast daglegan rekstur þess og ákvarðar launakjör framkvæmdastjóra og formanns.

Gögn fyrir aðalfund 2017

Tillögur að breytingum á reglum Kjaradeilusjóðs FJN

4. grein

Var:

Stjórn sjóðsins skal skipuð fimm mönnum. Formaður og gjaldkeri FÍN eiga fast sæti í sjóðsstjórn en aðrir stjórnarmenn skulu kosnir á aðalfundi til tveggja ára í senn úr hópi þeirra félagsmanna sem FÍN semur fyrir. Skal einn stjórnarmaður kosinn það ár sem félagsformaður er kosinn, en tveir hitt árið. Hætti stjórnarmaður á fyrra ári kjörtímabils skal annar kosinn í hans stað á næsta aðalfundi og þá til eins árs. Varaformaður og ritari FÍN eru varamenn í sjóðsstjórn.

Verður:

Stjórn sjóðsins skal skipuð fimm mönnum. Formaður og gjaldkeri FÍN eiga fast sæti í sjóðsstjórn en aðrir stjórnarmenn skulu kosnir á aðalfundi til tveggja ára í senn úr hópi þeirra félagsmanna sem FÍN semur fyrir. Skal einn stjórnarmaður kosinn það ár sem félagsformaður er kosinn, en formaður stjórnar kjaradeilusjóðs og stjórnarmaður hitt árið. Hætti stjórnarmaður á fyrra ári kjörtímabils skal annar kosinn í hans stað á næsta aðalfundi og þá til eins árs. Varaformaður og ritari FÍN eru varamenn í sjóðsstjórn. Þeir sem gefa kost á sér í stjórn Kjaradeilusjóðs á aðalfundi félagsins, skulu tilkynna stjórn FÍN skriflega umframboð sitt fyrir 1. febrúar.

Tillögur að breytingum á starfsreglum Siðanefndar FJN

1. grein

Var:

Siðanefnd skal kosin á aðalfundi Félags íslenskra náttúrufræðinga. Hún skal skipuð fimm félagsmönnum og tveimur til vara. Nefndin skal kosin til 2 ára í senn, þó þannig að í fyrsta skiptið skal kjósa tvo aðal menn og einn varamann til eins árs, en hina til tveggja ára.

Verður:

Siðanefnd skal kosin á aðalfundi Félags íslenskra náttúrufræðinga. Hún skal skipuð fimm félagsmönnum og tveimur til vara. Nefndin skal kosin til 2 ára í senn, þó þannig að í fyrsta skiptið skal kjósa tvo aðal menn og einn varamann til eins árs, en hina til tveggja ára. Þeir sem gefa kost á sér í Siðanefnd á aðalfundi félagsins, skulu tilkynna stjórn FÍN skriflega um framboð sitt fyrir 1. febrúar.

Gögn fyrir aðalfund 2017

Framboð til stjórnar FJN

Í kjöri til 2 ára:

Varaformaður FJN:

Þorkell Heiðarsson, Reykjavíkurborg

Fulltrúi trúnaðarmanna:

Kosinn af trúnaðarmönnum á starfsdegi trúnaðarmanna í apríl.

Meðstjórn:

Ína Björg Hjálmarsdóttir, Landspítala - Blóðbanka
Sigurlaug Skírnisdóttir, Matís
Sævar Ingbórsson, Háskóla Íslands
Stella Hrönn Jóhannsdóttir, Heilbrigðiseftirliti Suðurlands
Bergljót Sigríður Einarsdóttir, Framkvæmdasýslu ríkisins
Kári Gunnarsson, Sjálfstætt starfandi
Ásdís Benediktsdóttir, Íslenskum orkurannsóknnum
Sigurlaug María Hreinsdóttir, Nýsköpunarmiðstöð Íslands

Í kjöri til 1 árs:

Meðstjórn:

Rakel Júlía Sigursteinsdóttir, Actavis

Sitja frá fyrra ári:

Formaður FJN:

Marianna H. Helgadóttir, Félagi íslenskra náttúrufræðinga

Meðstjórn:

Trausti Baldursson, Náttúrufræðistofnun Íslands
Svava S. Steinarsdóttir, Reykjavíkurborg
Guðrún Nína Petersen, Veðurstofu Íslands
Lilja Grétarsdóttir, Reykjavíkurborg
Louise le Roux, Íslenskri erfðagreiningu
Sverrir Daníel Halldórsson, Hafrannsóknarstofnun
Hafdís Sturlaugsdóttir, Náttúrustofu Vestfjarða
Haraldur Rafn Ingvason, Náttúrufræðistofu Kópavogs

Gögn fyrir aðalfund 2017

Stjórn Kjaradeilusjóðs

Í kjöri til 2 ára:

Aðalmenn:

Ólafur Eggertsson, Skógrækt ríkisins*

Kristjana Bjarnadóttir, Landspítala - Blóðbanka*

Bergljót Sigríður Einarsdóttir, Framkvæmdasýslu ríkisins*

*Kosið verður á milli ofangreindra þar sem tvö embætti eru laus í stjórn Kjaradeilusjóðs í ár.

Sitja frá fyrra ári:

Aðalmaður: Páll Halldórsson, formaður Kjaradeilusjóðs

Jafnframt sitja í stjórn Kjaradeilusjóðs, eftirtaldir aðalmenn: formaður FÍN og gjaldkeri FÍN og

varamenn: varaformaður FÍN og ritari FÍN.

Skoðunarmenn reikninga

Tilnefning til 2 ára:

Aðalmaður: Vala Friðriksdóttir, Tilraunastöð HÍ í meinafræðum að Keldum

Varamaður: Ólafur Eggertsson, Skógrækt ríkisins

Sitja frá fyrra ári:

Aðalmaður: Björn Harðarson, Landspítala - Blóðbanka

Varamaður: Agnes Eydal, Hafrannsóknarstofnun

Síðanefnd

Í kjöri til 2 ára:

Aðalmenn:

Marta Guðjónsdóttir, Reykjalundi

Freygerður Jóhanna Steinsdóttir, Landspítala - Blóðbanka

Varamaður: Jóna Freysdóttir, Landspítala

Varamaður til eins árs: Kári Gunnarsson, Sjálfstætt starfandi

Sitja frá fyrra ári:

Aðalmenn:

Ágústa Sveinbjörnsdóttir, Reykjavíkurborg

Steinunn Jakobsdóttir, Rannsóknamiðstöð Íslands

Ægir Þór Þórsson, Rannsóknamiðstöð Íslands

Orlofshús FJN - Orlofsvalkostir 2017

Skógarkot í Borgarfirði

Skógarkot er mjög rúmgott timburhús í Norðtunguskógi u.þ.b. 2 km. ofan við bæinn Norðtungu í Þverárhlíð í Borgarfirði. Skógarkot stendur eitt og sér í þéttvöxnum skógi.

Húsið er það stórt að það rúmar vel 2 - 3 fjölskyldur. Í húsinu er tvö svefnherbergi á jarðhæð. Tvíbreitt rúm er í öðru herberginu og rúm sem er ein og hálf breidd í hinu herberginu. Á efri hæð eru tvö svefnloft með samtals sjö rúmum (4+3+1) og eitt herbergi með einum litlum svefnsófa. Auk þess eru í húsinu tvær aukadýnur, tvö samanbrotin barnarúm og tveir barnastólar. Á neðri hæð er rúmgóð stofa, borðstofa, eldhús, baðherbergi, sturta, geymsla og þvottahús með bakinngangi. Í eldhúsinu er eldavél, ísskápur, örbylgjuofn og borðbúnaður fyrir a.m.k. 18 manns. Sængur og koddar eru fyrir 14 en gestir þurfa að taka með sér allt lín. Í bústaðnum eru tvö sjónvörp ásamt DVD spilara og tvö útvörp með geislaspilara. Stórt gasgrill er á staðnum. Við húsið er góð verönd með útihúsgögnum og heitum potti. Ein róla og sandkassi er til staðar fyrir börnin, ásamt fötum og skóflum.



Vikuleiga kr. 35.000

Fullsæll í Biskupstungum

Fullsæll er lítið sumarhús í landi Syðri-Reykja í Biskupstungum og er ca. 45 fermetrar án svefnlofts.

Í húsinu eru tvö svefnherbergi annað með hjónarúmi en hitt með koju (þ.e. rúm og hákoja), baðherbergi með sturtu, stofa með litlum svefnsófa, eldhúskrókur með eldavél og ísskáp. Í húsinu er samanbrotið barnarúm og barnastóll. Sængur og koddar eru fyrir sex en gestir þurfa að hafa með sér allt lín. Borðbúnaður er fyrir a.m.k. 10 manns. Útvarp og sjóvarp er í bústaðnum og millistórt gasgrill. Stór verönd er við húsið ásamt heitum potti og þá eru góðar rólur og sandkassi til staðar fyrir börn. Heimilt er að veiða í ánni Fullsæl sem rennur fyrir neðan húsið og er veiðigjaldið innifalið í leigunni.



Vikuleiga kr. 27.000

Opið er fyrir umsóknir á [vef FJN](#).

Umsóknarfrestur fyrir páskaleigu rennur út þann 20. mars nk.

Umsóknarfrestur fyrir sumarleigu rennur út þann 18. apríl nk.

Gögn fyrir aðalfund 2017

Tillaga stjórnar FÍN um orlofshúsarekstur

Á aðalfundi Félags íslenskra náttúrufræðinga sem haldinn verður þann 30. mars nk. munu fundarmenn taka afstöðu til þess hvort félagið á að halda áfram rekstri orlofshúsa.

Tillaga stjórnar FÍN er eftirfarandi:

Stjórn FÍN leggur til að Félag íslenskra náttúrufræðinga hætti orlofshúsarekstri.

Greinargerð:

Upphaf reksturs orlofshúsa FÍN má rekja til ársins 1984 þegar fengin var lóð í landi Syðri Reykja í Biskups-tungum (við ána Fullsæl) og orlofshúsið sem FÍN á enn í dag var reist. Einnig hefur um árabíl verið leigt hús af Skógrækt ríkisins í Norðtunguskógi (Skógarkot). Rekstur orlofshúsa FÍN hófst þegar lítið framboð var á orlofshúsum. Orlofssjóður BHM sem hafði hafið starfsemi í Brekkuskógi nokkrum árum fyrr hafði ekki upp á eins mikið úrval að bjóða og hann gerir í dag. Rekstur orlofssjóðs OBHM hefur með árunum eflst jafnt og þétt og rekur sjóðurinn nú hús og íbúðir víða um landið og erlendis. Það er því ekki óeðlilegt að félagsmenn FÍN velti fyrir sér á hvaða forsendum félagið standi í orlofshúsarekstri þar sem félagsmenn hafa fullan aðgang að orlofshúsum OBHM og greiða kjarasamningsbundið gjald, 0,25% af heildarlaunum, í þann sjóð en ekki til FÍN.

Rekstur orlofshúsa FÍN hefur ekki staðið undir sér og ber félagið því töluverðan kostnað af húsunum. Frá árinu 2010 hefur félagið greitt tæpar 5.000.000 kr. með rekstri húsa. Þessi kostnaður hefur í gegnum tíðina verið greiddur úr félagssjóði FÍN sem fjármagnaður er með félagsgjöldum félagsmanna, ólíkt því sem tíðkast hjá öðrum stéttarfélögum en þar er 0,25% orlofsgjaldið nýtt í orlofskosti. Það er vilji FÍN að bústaðir sem boðið er uppá séu ávallt í sem bestu standi. Miðað við ástand húsa í dag þarf því að fara í töluverðar framkvæmdir sem að öllu óbreyttu verða greiddar út félagssjóði.

Skiptar skoðanir hafa verið meðal félagsmanna FÍN síðustu ár um rekstur félagsins á orlofshúsum. Reksturinn er kostnaðarsamur fyrir félagið og sá kostnaður sem félagið greiðir af rekstri orlofshúsanna gæti annars farið í aðra þjónustu við félagsmenn. Einnig má velta fyrir sér hvort sanngjarnt er að nota félagssjóð félagsmanna FÍN í viðhald á orlofshúsum.

Það er mat stjórnar FÍN að nú sé brýnt að félagið marki sér ákveðna stefnu í orlofshúsarekstri, ætlum við að halda rekstrinum áfram eða hætta? Nú stendur því yfir könnun um afstöðu félagsmanna til orlofshúsa FÍN.

Könnunin var send félagsmönnum í tölvupósti þann 17. febrúar sl. Við hvetjum þig til að svara henni eigi síðar en 24. mars nk. hafir þú ekki þegar gert svo.



